

Decleraziun cuminaivla al 5avel di da furmaziun grischun

La scola populara grischuna pussibilitescha als uffants ed als giuvenils da sa sviluppar a personalitads autonomas.

Nossa scola populara grischuna sustegna ils uffants ed ils giuvenils a sa sviluppar cumplexsivamain, als animescha da pensar a moda nunconfurma e d'esser creativs.

La scola dat als uffants ed als giuvenils en tut ils trais ciclus – da la scolina fin sin il stgalim aut – in fundament da furmaziun solid per lur vita.

Ina furmaziun cun qualitat

- Las trais associaziuns s'engaschan per ina furmaziun d'ina fitg auta qualitat ch'è orientada als basegns da noss uffants.
- La furmaziun sto esser centrala en nossa societad. Ella è la basa per svilups futurs.
- Tut las acturas e tut ils acturs da la scola populara grischuna sa mettan en cun professionalitad ed engaschi per ils uffants ed ils giuvenils.

Ina furmaziun cun avegnir

- La scola populara grischuna è curaschusa, averta, innovativa e focussada.
- Noss sistem da furmaziun dovra avunda resursas per pudair porscher ina furmaziun cumplexsiva ed orientada vers l'avegnir.
- L'ulteriur svilup da la scola vegn promovì, per che nus possian accompagnar il svilup da nossas scolaras e da noss scolars fin ch'els èn personalitads autonomas. Quai adina uschia ch'igl è pussaivel per las acturas ed ils acturs da realisar las novaziuns.
- Ensemen vulain nus prender per mauns las sfidas da l'avegnir e quai en in dialog respectus.

Ina furmaziun unica

- La scola populara grischuna è unica quai che riguarda l'aspect geografic, linguistic e cultural.
- La scola populara grischuna è l'original. Ella collavura cun las scolas popularas d'auters chantuns e cun las instituziuns numnadas qua sutvart.
- La singularitad, la multifariadad e la creativitad vivida caracteriseschan la scola populara grischuna.

Tuttina sco che l'Associazion dals cussegls da scola dal Grischun SBGR, l'Associazion da las mainascolas e dals mainascolas VSLGR e la Magistraglia Grischun LEGRhan organisà cuminaivlamain il 5avel di da furmaziun grischun, portan ellas la scola populara grischuna en l'avegnir.

Tavau, ils 10 d'avrigl 2019